



Broj: 10-1-34-12465-6/22
Zenica, 21.12.2023. godine

Redovnim osnovnim školama,
Gimnazijama i mješovitim srednjim školama
koje u svom sastavu imaju gimnaziju,
Mješovita srednja škola Tešanj
n/r direktora škole
putem e-maila

Predmet: „Primjena predmetnih kurikuluma u osnovnim i srednjim školama na području
Zeničko-dobojskog kantona“ – *poziv na webinar*, dostavlja se

Ministarstvo za obrazovanje, nauku, kulturu i sport Zeničko-dobojskog kantona i Pedagoški zavod Zenica, kao upravna organizacija u sastavu ovog ministarstva, u saradnji sa Organizacijom za sigurnost i saradnju u Evropi – Misija OSCE-a u Bosni i Hercegovini, implementirali su u proteklom periodu Projekat "Kvalitetno obrazovanje kroz kurikularnu reformu". Ovaj projekat uključivao je podršku Misije OSCE-a u Bosni i Hercegovini resornom Ministarstvu u pogledu unapređenja kvaliteta i inkluzivnosti obrazovanja kroz razvoj predmetnih kurikuluma za osnovno i srednje opće obrazovanje (gimnazije) zasnovanih na ishodima učenja, u skladu sa dokumentom Zajednička jezgra nastavnih planova i programa definirana na ishodima učenja u Bosni i Hercegovini, koji je donesen od strane Agencije za predškolsko, osnovno i srednje obrazovanje u Bosni i Hercegovini.

Urađena su 53 predmetna kurikuluma za redovne osnovne škole i gimnazije bazirana na ishodima učenja a isti su dostupni na Platformi <http://kurikulumpzzdk.ba>. Nakon ove aktivnosti Pedagoški zavod Zeničko-dobojskog kantona je utvrdio prijedlog Nastavnog plana i okvirnog programa za osnovnu školu (25 predmetnih kurikuluma) i prijedlog Nastavnog plana i programa za gimnaziju (28 predmetnih kurikuluma) i navedene prijedloge uputio prema resornom Ministarstvu s ciljem njihovog donošenja. U školskoj 2022/2023. godini odvijala se posljednja projektna aktivnost, tj. pilotiranje predmetnih kurikuluma po sukcesivnom modelu (u 1. i 6. razredu osnovne škole, te u 1. i 3. razredu gimnazije). U ovoj projektnoj aktivnosti je učestvovalo 35 škola (29 redovnih osnovnih škola, 5 gimnazija i 1 mješovita srednja škola koja u svom sastavu ima gimnaziju).

U školskoj 2023/2024. godini, a shodno odlukama objavljenim u "Službenim novinama Zeničko-dobojskog kantona", broj: 12/23, nastavljeno je sa primjenom nastavnih planova i programa (predmetnih kurikuluma) na sljedeći način:

- a) *Sveobuhvatna edukacija i pilotiranje novih nastavnih planova i programa (predmetnih kurikuluma) u 1. i 6. razredu osnovne škole te 1. i 3. razredu gimnazije/mješovitih srednjih škola koje u svom sastavu imaju gimnaziju;*
- b) *Sukcesivni nastavak primjene u osnovnim školama i gimnazijama/mješovitim srednjim školama koje u svom sastavu imaju gimnaziju, a koje su bile uključene u fazu pilotiranja u školskoj 2022/2023. godini (odabrana odjeljenja 2. i 7. razreda osnovne škole, odnosno 2. i 4. razreda gimnazije).*

U mjesecu novembru, 22. i 23.11.2023. godine Pedagoški zavod Zenica u saradnji sa Misijom OSCE-a u Bosni i Hercegovini realizirao je dvodnevnu obuku Školskih timova za podršku pilotiranju novih nastavnih planova i programa (predmetnih kurikuluma) u redovnim osnovnim školama i gimnazijama. Školski timovi za podršku pilotiranju novih nastavnih planova i programa (predmetnih kurikuluma) sastavljeni su od tri člana (direktor ili pomoćnik direktora škole/školski pedagog, po dva nastavnika predmetne nastave u osnovnim i srednjim školama ili po jedan nastavnik razredne nastave/predmetne nastave u osnovnim školama uzimajući u obzir specifičnosti svake škole). U pozivnom pismu za navedenu obuku je stajalo da članovi Školskih timova za podršku treba da budu motivirani za učešće na obukama i razmjenu iskustava kroz interna stručna usavršavanja, pružanje podrške u okviru profesionalnih zajednica za učenje i sl.



Pedagoški zavod Zenica u mjesecu januaru 2024. godine planira realizaciju webinaru za Školske timove za podršku, tj. članove timova koji su 22. i 23. 11. 2023. godine prisustvovali dvodnevnoj obuci pod nazivom "Primjena predmetnog kurikulumu u učionicama u Zeničko-dobojskom kantonu: obuka za školske timove", te nastavnike i stručne saradnike koji su uključeni u ekperimentalnu primjenu - pilotiranje novih nastavnih planova i programa (predmetnih kurikulumu) u školskoj 2023/2024. godini.

Webinari za članove Školskih timova za podršku pilotiranju novih nastavnih planova i programa (predmetnih kurikulumu) u redovnim osnovnim školama i gimnazijama, mješovitim srednjim školama koje u svom sastavu imaju gimnaziju i Mješovitoj srednjoj školi Tešanj, te nastavnike i stručne saradnike navedenih škola, realizirat će se u periodu od **15.01.2024. do 19.01.2024. godine**, prema planu koji se nalazi u prilogu ovog poziva. Webinarari će se realizirati u online formatu putem platforme MS Office 365 (MS Teams).

Direktori škola su u obavezi poslati spisak svih učesnika webinaru (nastavnici koji pilotiraju predmetne kurikulume u školskoj 2023/2024. godini, stručni saradnici i članovi Stručnih timova za podršku) najkasnije do 26.12.2023. godine putem e-maila Pedagoškog zavoda Zenica ped.zavod@zdk.ba).

Direktori škola treba da upoznaju članove Školskih timova za podršku, kao i nastavnike i stručne saradnike sa sadržajem navedenog poziva, te im dostave plan realizacije webinaru u word verziji kako bi mogli preuzeti linkove za učešće na webinaru.

Za sva pitanja u vezi navedenih webinaru možete kontaktirati stručnog savjetnika za oblast obrazovanja koji je ovlašten za obavljanje pedagoško-stručnog nadzora u Vašoj školi.

S poštovanjem,

Prilog: Plan realizacije webinaru

DOSTAVLJENO:

1. Naslovu
2. a/a

